

欽定戶部漕運全書

欽定戶部漕運全書卷七十八目錄

奏銷考成

倉漕奏銷

倉庫盤查

倉漕奏銷

一漕糧徵兌總漕派發全單取造軍衛有司額

漕數目報部如有未完卽行指參

議單舊本

一輕齎由閘席片板竹行月等項一應隨漕錢

糧經管各官逐款備造管收除在清冊在糧道

者總漕按年奏銷在坐糧廳大通橋者總督倉

場按年奏繳

順治十二年

一輕齎席片松板楞木本折錢糧出運減存行

月銀糧漕贈銀米過湖淺船倉米副米并修造

漕船淺貢

軍船以四百石爲一淺淺貢卽爲造船之用惟浙江有此各目軍三

民七料價

係按額徵收以爲造船之用民賦項下徵收七分軍屯項下徵收三分

運官廩工及蘇松常鎮四府協濟壽淮揚鎮等倉米麥并給丁六升米折銀兩此等漕項錢糧俱取在地畝銀米內支用備辦舊例各作分數考成康熙二年題定各省漕項總作十分總漕每年造冊奏銷

一徐淮臨德鳳陽江寧等倉向係部差監督兼管一年任滿徑行報部考覈康熙十年以後陸

續歸併糧道管理其倉項錢糧奏銷及各州縣完欠考成統令各該管督撫題報

一江南省衛江淮興武等幫水手銀兩向係布政使造報行月本折錢糧向係糧道造報康熙七年題准歸併布政使造報康熙十五年題定江寧省衛錢糧總歸江安糧道催徵給發造冊呈送江寧巡撫奏銷

一奏銷冊籍將支用款項總散數目分晰開造如有款項不符混行造冊題報該管督撫照牒

金匱要略卷之六
混例議處

康熙二十三年

一存留項下錢糧在本省支用並支剩各數隨

起運漕糧數內造冊奏銷

康熙二十六年

一江南省減存行月廩工備料小修等項銀兩
舊例各州縣皆解貯淮庫總漕年終造冊奏銷
康熙二十七年題照湖廣江西等省之例停其
解淮徑解江安蘇松糧道歸入漕項奏銷案內
造冊呈送總漕奏銷

一河南額解臨德二倉錢糧康熙二十九年題

歸驛鹽道兼理其奏銷考成該撫俱於年終具題

一德州倉奏銷考成舊例次年四月具題康熙三十一年題定於次年五月內依限奏報

一蘇松所屬州縣額徵加漕裁扣六升米折等銀原係供支蘇松漕糧運軍行月之需舊例解交江安糧道給發報銷康熙三十二年題准解交蘇松糧道總作完欠總漕造冊奏銷

一各省漕項錢糧向係總漕隔年奏銷康熙三

欽定大清會典事例

三

十三年題照地丁錢糧之例於次年五月奏銷
康熙三十五年題定仍照舊例隔年三月奏銷
一徐淮臨德鳳陽江寧等倉編徵行月銀米麥
石原係供支運軍廩糧之需江寧德州二倉統
入漕項奏銷其臨清倉月糧准徐鳳三倉行月
錢糧總漕照例於隔年三月另案題銷
康熙三十
五年
一臨清倉歸併臨清關差康熙五十三年停差
監督交與山東巡撫專管其倉項錢糧照監督
例扣算一年任滿奏銷至各官完欠考成該撫

仍於年終題報

一奏銷本年錢糧將上年存剩錢糧作爲舊管
本年已完錢糧作爲新收仍將管收除在另造

簡明清冊送部

康熙六十年

一倉場漕白二糧奏繳及通濟庫錢糧奏銷向
未定有定期雍正七年題定於次年五月內造
冊具題

一漕項奏銷部覆駁查款項向例扣限四個月
按款咨覆未完錢糧扣滿年限咨參雍正十年

部議未完銀兩續完數目應於年終彙冊題銷
指駁各款定限次年十月具題雍正十二年奏
明停止仍照往例辦理其歷年未完錢糧續報
全完及支存各數該省分別造冊另繕題本隨
本年奏銷一併題報

一徐州淮安鳳陽江寧四倉錢糧奏銷考成舊
例該管督撫於次年五月內具題雍正十一年
安徽巡撫所屬錢糧奏銷題准展限一月江寧
淮安鳳陽三倉俱於次年六月內題報徐州一

倉江督仍照原限奏銷

一錢糧未完續完銀米支解數目例應造入隨
本節年奏銷案內查覈惟漕項續完支解數目
或於道府年限案內造報或於州縣年限案內
造報錯綜散亂茫無頭緒乾隆六年咨令嗣後
本年奏銷行查各款仍於本年奏銷案內聲敘
歸結其歷年未完項下續完支解數目照例造
入隨本節年奏銷案內具題毋庸造入年限案
內報部

一蘇松省漕項奏銷該督撫祇將起運數目題報未將額徵漕糧造入嗣後應照江廣之例另造一冊彙入漕項奏銷具題查覈

乾隆十五年

一地丁漕項原屬兩事嗣後各省遇有地下展限其漕項自應冊報候撥倘因地丁展限漕項清冊有礙難造報之處應於展限咨文內聲敘緣由註明漕項一體展限字樣預期報部以便於撥冊聲敘若咨部展限文內並不聲敘及清冊逾限不到者戶部照例題參議處

乾隆十六年

一搭運緩漕給丁漕贈銀米務於隨奏案內按
年造報毋得於奏銷案內混行開除致滋重複
支銷之弊

乾隆十
九年

一漕項錢糧款項最繁向來造報奏銷係按照
原額將節年陞增并州縣完欠以及裁減官丁
應扣行月俸廩各數逐款臚列甚屬繁冗嗣後
奏銷案內以上年實徵之確數卽爲下年之定
額再將本年陞增各數隨款登明至各項款目
祇開列奏銷冊首銀米各彙結總數統收統除

應扣存行月俸廩等項歸入實存項下不必每
款分別卽州縣實徵冊內凡銀米完欠亦祇各
列一條府總道總一例如是又隨奏年限案內
州縣完欠亦仿照辦理以歸簡易

乾隆二十年

一奏銷案內動用錢糧有應俟別案題銷之日
報部查覈者倘別案或因他故駁查每致奏銷
案內屢次登覆嗣後應歸別案完結之項若動
款數目既已相符此案卽准銷結毋庸登覆以

清塵案

乾隆二十年

一漕項隨奏年限各冊將上屆冊報某州縣衛
某某等款共銀若干彙結一總內已完若干未
完若干併列一條米麥豆石亦各結一總登報

完欠

乾隆二十
年

一地丁錢糧緩徵漕項一體邀緩若屆奏銷之
期所有漕項未完銀兩於奏銷冊內聲敘另歸

年限扣算補報考成

乾隆二十
二年

一糧道帶印公出不能依限奏銷例得展限仍

將不能依限奏銷緣由附疏聲明

乾隆二十
二年

全史卷之二十一
一乾隆二十四年吏部咨行嗣後達部各項冊籍均以長一尺爲準每頁二十四行每行二十二格儘畱抬頭三格起行十九字次行低一字照例呈送至各項進

呈黃冊均長一尺寬六寸繕寫進

呈照式一例辦理

一東省各幫行月半折銀兩俱由糧道支發獨山東前幫等四幫派令臨清倉給領每年由臨清倉抄送底冊糧道彙覈造報殊多牽制請將

該倉每年支給山東前幫等幫行月銀兩歸併糧道於通省幫船畫一支放仍將收支銀兩數目同臨清州造報收支米石數目繕造黃冊山東巡撫彙覈奏銷

乾隆二十四年

一山東糧道庫大使兼德倉事務向令經營漕項及德常二倉銀兩嗣將臨倉錢糧歸併糧道經營亦應庫大使支放責任已重所有德倉米石事務該大使難以兼顧查常豐倉大使既管該倉本色米石請將德倉本色米石一併歸與

常豐倉大使經營應令該道將德常二倉收放一切事宜悉循舊例各歸各款辦理分晰該二

倉名目造報奏銷毋致牽混

乾隆二十四年

一東省東昌府屬之聊城堂邑等十八州縣漕糧項下額徵鹽鈔銀一千四百三十七兩一錢一分零內堂邑博平莘縣冠縣館陶高唐邱縣恩縣等八縣係徵解糧道給軍由糧道報銷其聊城在平清平臨清夏津武城濮州范縣觀城朝城等十州縣向解東昌府支給軍丁嗣奉部

議將聊城等十屬額徵鹽鈔裁充兵餉俱由府轉詳解部銀數無多專委人員甚費周折所有聊城等州縣解部鹽鈔一項應照堂邑等屬解交糧道湊支軍丁各項錢糧之用彙入漕糧項

下一併造冊報銷

乾隆二十八年

一各州縣衛應徵錢糧銀數尾零以釐爲斷米麥奇零數目以勺爲斷五毫以上者准爲一釐不及五毫悉行減除米麥豆石尾零五抄以上者准爲一勺不及五抄者概行刪除其州縣由

單前列細款仍存其舊以符賦役全書魚鱗冊籍之款如有不肖官吏借歸併之名致啟浮收之弊者一經查出卽行從重叅處

乾隆三十一年

一豫東二省畱貯薊糧動撥米穀及出借徵還各數每年年底清查造具管收除在清冊送部查覈統歸糧道一處實力稽查造冊該撫覈實奏銷仍將存倉米穀數目移送藩司以備急需動撥藩司衙門無庸重複奏銷免致兩歧

乾隆三十

年五

一凡錢糧案件奏銷交盤等項關係甚重者照例取具並無侵冒虧缺印加各結以昭慎重

乾隆

三十
五年

一河南省應解臨清德州二倉銀米遇有未完

查照徐淮等倉之例另作分數題叅毋庸彙入

漕項數內併計考成

嘉慶三年

一處分則例應以正項錢糧按照分數考覈奏

銷者照奏銷錢糧冊結遲延違限一月者罰俸

三個月違限一月以上者罰俸六個月違限兩

月以上者罰俸九個月違限三月以上者罰俸
一年違限四五月以上者降一級畱任違限六
月以上者降二級調用違限一年以上者革職
其雜項錢糧不作公數考覈咨部覈銷之案均
應照造報各項錢糧文冊遲延違限不及一月
及一月以上者俱罰俸三個月違限兩月以上
者罰俸六個月違限三月以上者罰俸九個月
違限四五月以上者罰俸一年違限半年以上
者降一級畱任違限二年以上者降二級畱任

違限二年以上者降三級調用嗣後咨部議處
文內將是否覈計分數奏銷抑係不作分數考
覈之處隨案聲明以便覈辦

嘉慶七年

一各省題銷案件於繕本具題之日另具揭帖
隨本移送其揭帖後尾即將所送冊結等項數
目逐一註明冊尾務須填寫年分月日總封外
皮務須實蓋印信毋得浮貼印花以昭慎重而
杜弊端

嘉慶九年十年

一山東臨清關倉項下支給臨清東平二衛所

本折月糧銀米向係專案造冊題銷又造入漕
項奏銷冊內係屬重複嘉慶十一年咨准嗣後
仍照向例專案題報漕項冊內毋庸造入

一外省報部文冊凡有添補塗改處所例應處
處鈐用印信如有遺漏飭令另造蓋印清冊送

部

嘉慶十
一年

一各省錢糧奏銷業經題覆之後續報全完例
准題請開復及咨請扣除免議各案所有續完
銀兩應聲明造入何季撥冊方准題咨

嘉慶十
二年

一奏銷屬冊例應隨本送部漕項奏銷各屬應
造清冊如屆當奏期有造冊遲延者卽隨案題
參

嘉慶十
四年

一各直省錢糧州縣已徵未解卽照未完分數
揭參如該督撫藩司開作已完者照通同徇隱
例懲處至每年春秋報撥如必須展限奏明請
展逾限不到照例查參仍嚴催迅速造報其撥
冊到部後卽將所報實存銀數奏歸本屆畱協
畱備等款內以備撥用

嘉慶十
九年

一安徽省天長縣應解揚州二幫津銀係津貼
本幫各丁支領濟運歷年奏銷案內未將各丁
支領銀兩造報無憑查覈咨令該撫轉飭該衛
逐一查明造冊送部其前取歷任遺漏各職名
仍令查取覈議

嘉慶二十一年

一江興二衛快丁捐貼運費銀兩造報完欠冊
內嗣後應將快丁及代辦丁名一併登註仍令
支給各丁具結送部以便稽覈

嘉慶二十四年

倉庫盤查

一漕項錢糧乃輓運急需司府州縣等官如將徵完銀兩挪動給發別項支用者糧道詳報總

漕題叅

康熙六年

一各省糧道存庫錢糧於年終及離任之日責成藩司親身盤查出結如有虧空立即揭報該

撫題叅

康熙二十八年

一各省道庫向例惟浙江糧道押運過淮時暫行布政司理問看管他省俱無專員管理雍正

四年題准江安蘇松江西湖南湖北山東等省
糧道衙門各添設庫大使一員凡倉庫收放錢
糧責成稽查其浙江道庫卽令布政司理問兼
管

一道庫實存錢糧自雍正五年爲始照司庫例
每年春秋二季造冊報部聽候撥解京餉

雍正四年

一江寧布政司衙門徵收上下兩江應解南屯
米麥豆石舊有倉廩俱係吏役經收支放雍正
六年題准添設倉大使一員稽查管理以專責

成

一德州原設常豐德州二倉臨清州原設臨清
廣積常盈三倉年久坍塌廢雍正十年截留南漕
題准臨清德州各添設新厰六座責成糧道督
率臨德二州加謹蓋藏年底盤驗出具實貯印
結送部並令常豐臨清二倉大使巡查看守乾
隆二十四年題准將臨清倉大使裁汰倉務交
與臨清州兼管給丁本色米石仍照舊赴倉支
給其折色銀兩各州縣徵解糧道庫支放

一各省道庫一應收支錢糧隨時知會藩司備案奏銷時將支銷存剩各數造冊移司盤查出

結送部

雍正十一年

一各省糧道新舊交代任內收支錢糧向係咨部查議雍正十一年題定照布政使交盤例該管督撫造冊具題

一州縣錢糧倉穀如有虧空該管道府州如平時盤查不實直至離任身故始行揭報者將該管道府州以失察附參雖無徇隱情弊仍照失

察州縣侵挪虧空例議處分別著賠

乾隆十二年

一州縣虧空道府不行查揭者乾隆十二年原議照失察例均降四級調用但道員有盤查知府直隸州之責失察虧空原有降四級調用處分若失察州縣又與知府一例降調殊無區別嗣後州縣空道員不預行叅揭者降一級留任

乾隆十四年

一漕項實存銀兩春秋二季撥冊江安蘇松湖北山東河南五省俱係詳送各該撫咨部撥

惟湖南浙江江西三省各撫與漕督並行咨部
事屬重複嗣後該三省應照江蘇等省之例造
報各該撫咨部仍造送總督衙門備查以歸畫

一乾隆二
十年

一各省糧驛道庫遇有新舊交代照年終奏銷
之例令各督撫親往盤查所有收支數目仍責
令藩司於未經盤查之先由具保結詳送督撫
倘結報之後仍有查山侵挪虧空等弊督撫題
參照例分賠議處

乾隆二
十七年

一湖北湖南道庫漕項錢糧奏銷總漕遠在淮

安巡撫會同總督盤查咨會總漕具題

乾隆二十七年

一凡督撫接任應行盤查藩庫之時將駐劄同

城之糧驛二道庫一體親往盤查有無挪移虧

缺附摺具奏

乾隆二十八年

一山東省臨倉錢糧統解糧道衙門其隨正耗

羨銀兩內除扣支一釐腳費外一併解道每年

由道將餘贖耗銀彙行解司充公此外漕項及

德倉等項正銀係解糧道耗銀解司乾隆五十

二年新例漕項耗羨全行解道德倉等項耗銀亦遵例解道所需解費腳費卽照臨倉之例於所徵耗銀內照數扣除分別解支

一有漕各省春秋撥冊收造銀兩逐一登造將

年分縣分詳細聲明以憑稽覈

乾隆五十八年

一嘉慶六年奉

上諭各省州縣設立常平倉穀原備本處水旱偏災平糶賑濟之需各州縣平日不能實心經理或竟任意侵挪虧缺以致積貯空虛猝遇偏災茫無所措而該

督撫等爲目前補救之策大率奏請截漕殊不思京
通各倉所貯漕米以之頒給廩祿兵糧無論歲收豐
歉俱應按數支放卽太倉之粟陳陳相因亦屬昇平
盛事焉有天庾正供徒資外省截留之理嗣後各督
撫等總當於各州縣倉庫根本要務悉心講求實力
整頓務歸實貯方爲有備無患勿徒以截漕爲事將
此通諭知之欽此

一各直省藩庫濫行借放由於支放錢糧有扣
成之弊利其多扣遂將不應借之款不應借之

員概行借放嘉慶二十年經御史胡承琪奏准
嚴行禁革以杜冒濫

一嘉慶二十一年奉

旨各省督撫叅劾虧缺州縣如係現任人員自應奏明
革審至已革人員續經查有虧缺即可先行拏問審
訊俟定擬具奏時於摺內聲明若俟奏明奉旨始行
審辦豈不徒延時日任令彌縫嗣後各省已革人員
續經查有虧缺者均卽照此辦理毋庸先行請旨等

因欽此

一通濟庫道光二十一年起至咸豐三年止不敷辦運長支動缺銀十七萬三千五百三十七兩零歷任倉場侍郎未能督飭催完奏請交部議處歷任坐糧廳未能按期追繳先行罰俸一年其長支動缺銀兩令歷任坐糧廳監督經紀書吏商人分賠交納

一歷任坐糧廳應賠四成殘袋變價長支腳價船頭工食及獨賠無著項下銀兩除現任坐糧廳責令於本年內全數交清儻有遲逾卽行叅

辦其餘十一員分作三限每四個月爲一限初
限限滿交清者免其處分僅交五成者降一級
留任不及五成者降二級留任分文不交者革
職留任二限限滿交清者開復處分僅交五成
者降二級留任不及五成者革職留任分文不
交者革職嚴追三限限滿仍未交清者一律革
職監追交清後開復原官其現已無官之員三
限限滿仍未交清者一律監追交清卽行釋放
仍於補官日罰俸一年

一經紀應賠六成長支腳價殘袋變價及獨賠
石壩掣欠銀兩分作十成計算擬令先交四成
銀兩分作三限勻交以半年爲一限每限限滿
交不及數者革役交地方官押追統限限滿仍
未交清者送交刑部監追交清卽行釋放仍准
著役下餘六成銀兩准令勻作六年坐扣

一倉場衙門書吏著追飯食銀兩分作十成計
算先交三成銀兩分作三限勻交以半年爲一
限每限限滿交不及數者革役交地方官押追

統限限滿仍未交清者送交刑部監追交清即
行釋放仍准著役下餘七成銀兩准令分作六
年坐扣

一坐糧廳衙門書吏著追飯食銀兩分別十成
計算先交四成銀兩分別三限勻交每限限滿
交不及數者革役交地方官押追統限限滿仍
未交清者送交刑部監追交清即行釋放仍准
著役下餘六成銀兩准令勻作六年坐扣

一商人欠交殘袋變價著追銀兩分作六限勻

交以半年爲一限每限限滿交不及數者交地方官押追統限限滿仍未交清者送交刑部監追交清卽行釋放

一歷任坐糧廳監督旗籍任所應令各督撫都統遵照初二三限章程分別辦理每四個月爲一限統限一年追清毋得寬縱完繳銀兩按限解部交納不准截留軍餉

以上咸豐三年

一通濟庫咸豐三年起至七年止辦運不敷長支動缺銀二十二萬六千六十六兩零八年動

缺銀三萬七十一兩零將歷任倉場侍郎各坐糧廳監督一併交部議處

一歷任坐糧廳監督應賠銀兩分作三限勾交五千兩以下者以四個月爲一限限一年交清五千兩以上一萬兩以下者以八個月爲一限限二年交清一萬兩以上及一萬五千兩以下者以一年爲一限限三年交清初限交清者應毋庸議僅交五成者降一級留任不及五成者降二級留任分文不交者革職留任二限交清

者開復處分僅交五成者降二級留任不及五成者革職留任分文不交者革職三限限滿仍未交清者一律革職監追交清後開復原官其現在無官之員三限限滿未交清者一律監追交清卽行釋放

一經紀車戶書吏應追銀兩令坐糧廳按限追交如限滿不完或交不足數卽行分別革役監追

一書吏長支飯銀將坐糧廳等嚴叅並責令分

賠一半其餘一半銀兩將書吏送部監追如交不足數仍令該廳全數賠補

一預借長支令倉場奏明辦理每年借支不得追一萬兩如借支逾數或坐糧應擅自發給由倉場據實嚴叅仍令該廳照數賠補如倉場徇隱不發由部分別查叅

一通濟庫奏銷冊內實存項下如有長支預借務令分晰註明何項借支若干實存若干所借銀兩次年扣還卽列入次年奏銷收款造報儻

仍有實存之數不符者將坐糧廳監督交部嚴議並將倉場侍郎分別議處

一通濟庫印鑰改由倉場侍郎佩帶所有開放銀兩由坐糧廳呈請該侍郎酌定放款親臨監放儻該廳擅自開放致有折扣朦混等弊責令照數賠補仍照濫放庫款例從嚴叅處如該侍郎失於覺察由戶部奏叅並設立循環簿二本鈐蓋印信按月填寫管收除在數目換送倉場

衙門查覈

以上咸豐八年

一通濟庫米折銀兩向係解交部庫如輕齋茶
果項下不敷開放准其借動支銷

一抽查漕糧御史二員每月酌給公費二十兩
按月給發吏役飯食鋪墊租房等項每年發給
實銀四百兩

一土壩書吏每年酌給銀六十兩

一撈割雜草夫役每年酌給銀三十兩

以上三款銀兩於應茶果項下作正開銷
不得剋扣腳價

一置造枷號價銀准其另行籌款每年覈給銀

五十兩

以上咸豐九年

一同治元年欽奉

上諭京師爲輦轂重地城倉各庫向設值班官兵並特派有稽查管理之王大臣原以專責成而昭嚴密乃近聞城倉各庫值班官兵廢法營私頂替包攬無所不至並有各該處聚賭酗酒竊藏賊贓等弊卽如上年冬間拏獲搶劫案犯竟有在城上俵分贓物之事廢弛怠忽至於此極尙復成何事體著派出查城查倉各大臣以及管理各庫王大臣實力整頓稽查並

嚴定章程如有前項情弊或曠班不到或受錢代替並在各該處有無前項不法各情一經該王大臣查出立即從嚴加等治罪其是日一同值班之官員兵丁等如不先行舉發亦一併嚴懲不准稍涉寬縱儻該管王大臣仍前玩忽別有風聞亦不難另派大臣前往密查一併從嚴懲處決不寬貸欽此

欽定戶部漕運全書卷七十九目錄

輓運失防

風火事故

風火事故

一船糧在洋江黃河漂流爲大患地方官查明
給石印照總漕各該督撫覈勘明確據實具題
准予豁免如無題報卽於本丁名下追賠若本
丁無力補完將本幫餘米簷羨扣抵務足原數
議單
舊本

一文武官員凡遇漕船沉溺不將情由申報者

降一級調用

載在會典

一漕糧改解兵米大江漂流准照漂沒糧數開

銷順治十

五年

一大江黃河漂沉搶救者將所搶米石灑帶各船運送其漂沒米石准予豁免若坐視不救該

督題叅從重治罪

康熙二十一年

一漂流船糧令沿途催償各官及汛地文武官員親臨確查各出保結取具運官結狀該督撫具題豁免如運糧官丁未經漂沒船糧疏報漂沒並故將船放失及雖係漂沒損失不多乘機侵盜至六百石者照例擬斬不及六百石者照

律發邊衛永遠充軍米石照數賠補其沿途催
價各官及汛地文武各官不親臨確勘遽出保
結者俱行革職該督撫不嚴查確實遽行題豁
後詐冒事露將具題督撫降二級調用

康熙二十一年

一押運官弁巡查不謹以致失火燒燬漕船者
降一級調用地方官不行協救延燒別船者罰

俸一年

康熙二十一年

一漕船失風沉溺船未抵通而糧已搭運到通
全完者坐糧廳呈報戶部旗丁領過行月錢糧

免其追繳

康熙三十六年

一洪澤湖失風漂沒船糧於康熙四十二年奉旨亦照大江黃河漂沒之例議奏欽此

一火燬船隻押運等官均有議處惟失風船隻祇賠米石是以不肖弁丁假捏失風以致掛欠嗣後漕船在內河失風押領等官照失於防範例罰俸一年仍取具押運官弁並地方文武官弁並無假捏印結送部倘有假捏情弊即將弁丁嚴加治罪出結官弁從重議處

雍正

一糧船在內河漂流不准豁免舊例將該幫進倉米石免其節餼以所剩節餼折耗餘米抵補漂流之數抵補不敷將該幫羨餘銀兩扣除該幫不足將總運同知通判所押各幫內扣除務足原額雍正四年題准尖風米石除將本幫餘米抵補外下剩米石限次年搭運抵通正兌改兌均照平米收受仍免其節餼折耗之米以示軫恤

一漕船入境地方官不顧風色水勢催攢前進

在內河致有疎虞將該管地方官與押運官弁均照失於防範例議處

雍正五年

一領運弁丁凡遇海洋大江黃河危險地方遭風漂沒幸獲生全者照軍功保守在事有功之例官准加一級旗丁照軍功頭等傷例賞給其漂沒身故者官不論銜級大小照軍功陣亡例俱以現在職任分別准廕加贈給與祭葬銀兩旗丁亦照軍功陣亡例給與祭葬銀兩其無妻孥親屬者照例給銀該督撫提鎮委官致祭至

船內頭舵水手被淹身故者照軍功二等傷例

賞給

雍正六年

一糧船在大江等處漂沒旗丁淹斃賞恤銀兩

無親屬可領者令地方官尋覓屍骨料理埋葬

無從覓獲者卽於淹斃處所量予祭奠

雍正十年

一海洋大江黃河洞庭洪澤等湖弁丁被淹身

故照軍功例賞恤贈廕其在內洋內河及停泊

海口島嶼等處修造船隻雖與効力疆場者有

間但此等幸生之弁丁究係奉公差委應照軍

功例減等官給與紀錄二次旗丁人等照二等
傷例減半賞給其漂沒身故者官照陣亡例各
減一等分別廕贈減半給與祭葬銀兩旗丁亦
照陣亡例減半給與祭葬銀兩無妻子親屬收
受者仍照例給奠銀二兩遣官致祭再內洋等
處遭風沉故之千總量減一等廕子弟一人以
把總補用

雍正十
二年

一各省漕船歷運未滿十年遇有失風失火事
故向未著有成例雍正十三年題定漕船歷運

五六年及未至五六年而有風火等事之失責
令賠造厯運七八年而有事故責令買補厯運
九年而有事故責令雇募均至十年限滿准其
給價配造其在大江大湖黃河失風漂沒糧船
仍令總漕各督撫勘實具題准予豁免

一漕船凡遇風火事故押運官弁例應卽速報
明沿河各官協同救護嗣因幫弁失事並不知
會地方官弁以致藉端卸責乾隆二年咨行嗣
後漕船如遇事故務令據實報明

一糧船內河失風漂流向例責令買補米石賠

造新船仍交茶果銀兩個兒錢文

每運通米一石旗丁交個

兒錢二十二文以爲給役轉運之用

因糧船遇有事故旗丁賠累

艱難乾隆三年題准免交茶果銀兩至個兒錢

文若失風米石臨倉買補無藉轉運者免交其

船無破損米無虧折到通轉運進倉者個兒錢

文照舊交納

一糧船內河失風領運押運各員以及地方員

弁均有議處乾隆三年題准如假捏失風倉圖

掛欠者仍照例議處若汎水漲發猝不及防失

風之船能戽救修船抵通糧米無虧或買補全

完者領運守千丞倅均免議處仍照例議敘倘

船非滿號

出運十次
為滿號

不能戽救米有掛欠雖買

補全完亦仍照例議處至地方文武員弁協同

戽救船糧均無虧者免其議處如不能協同戽

救以致漂沒者仍照例處分

查此案所載仍照
例議叙句乾隆三

十五年吏部所纂
則例內已經刪除

一押運丞倅遇有幫船失風事故向例與領運

守千一例議處因丞倅統轄十餘幫較之守千專管一幫者有間乾隆二年題准量爲減輕原議罰俸三個月者改爲一個月原議罰俸六個月者改爲三個月原議罰俸一年者改爲六個月原議降一級畱任者改爲罰俸一年原議降一級調用者改爲降一級畱任原議降二級調用者改爲降一級調用原議革職者改爲降三級調用

一糧船停泊處所他船生火該丁在船不卽設

法開放地方官不行星飛往救以致延燒者將

火燬船隻責令官丁名下分賠造運

乾隆四年

一糧船遇有事故失防職名例應開送以憑查
議往往各省有祇報失事緣由而不開失防職
名者乾隆五年咨行通飭凡有失防職名照例
開送如有應行免議之處於咨內聲明聽候吏
兵二部查議

一漕船風火事故自應總漕報部辦理乃各省
遇有事故或有總漕咨報或督撫咨報且有督

撫總漕兼報殊不畫一乾隆五年咨行嗣後各省船糧遇有風火事故概聽總漕查報

一漂沒船糧旗丁兄弟親屬隨帶人等例不賞恤至副丁額設已久管押空重責成亦重副舵係在幫夫役與水手無異原例未經議及遇有事故不得仰邀恤典乾隆五年題准比照頭舵水手照軍功二等傷例賞給銀二十五兩

一賠造新船原可足運恐不肖旗丁將賠造之船至一二運接算原船出廠年分捏報腐朽或

稱事故混請雇募希圖省費乾隆五年咨令嗣後漕船有應雇募買補者於咨內聲明

一各省漕船遇有事故例應賠造者回次之時卽行遵例賠造倘有藉詞減歇遲至次年興造

者將督催衛員照例題參

乾隆五年

一各省出運船糧凡有失風米石照例報部分別易換扣抵倘有隱徇捏報等弊照例題參

乾隆

六年

一糧船失風火燎其船不致被沉者無論已未

過淮卽令修固原船復載抵通如已被沉難厚
者准雇民船載運跟幫過淮盤驗抵通倘過淮
時未經雇募將米已灑通幫帶運者不許中途
再雇民船裝運以杜盜賣攪和之端若過淮後
失事或在黃河中流及該地方無民船雇募者
仍令先灑通幫帶運開行一面前途雇覓民船
裝運通幫衆丁及領運千總出具互保各結抵
通交納稍有虧缺責令賠補

乾隆
七年

一漕船失風虧折米石有將本幫餘米抵補者

例應報部察覈而總漕每有知會倉場而不報部者乾隆九年咨行嗣後照例報部

一例准畱通變賣船隻沿途遇有失風事故旋已修艖堅固將米灑帶通幫運通其艖卽在途

次變賣者將干總查察罰俸九個月

乾隆九年

一漕船減歇在塢

卽水天

被行船撞損該管干總

隱匿不報者照失風漂沒不行申報例降一級

調用

乾隆十二年

一漕船在大江黃河等處遭風漂沒如有撈救

乾濕米石者其虧折之糧例不准豁免若虧折過多數在八九百石以上一時買補丁力艱難總漕據實具奏准其將買補銀兩解通於下年本倉餘米內買補報部其漂沒船隻仍照例辦

理 乾隆十

二年

一回空漕船隨幫雖已管押到次若新運千總尙未赴幫遇有風火等事仍將隨弁職名開報倘新運千總已經到幫出有接受文結後遇有事故雖未受兌開行卽以新運千總聯名報參

或減存在次運隨二弁均難兼顧遇有事故卽
將收管之地方官職名開叅至押運同知等官
幫船抵次後一運之事已畢與隨幫專爲空船
而設者不同倘在次遇有風火等事免其叅處

乾隆十

四年

一江廣二省係產木之鄉成造漕船禁用舊料
滿號船隻題准畱通變賣至沿途失風拆板之
艘無論已未滿號俱令就地變價嗣恐不肖旗
丁將空重漕船假捏失風拆板變賣價歸已橐

乾隆十四年奏准失風漕船如果不堪厚修准其拆板變價將變價銀兩令該地方官驗明封固交該幫弁攜帶回次呈明糧道驗發

一空重漕船如遇雷火擊沉原非人力所能救護該管各上司查明屬實准其取具切實印結

咨部將失防各官免其查議

乾隆十六年

一大江黃河等處風濤莫測幫船經行沉失者例免查議嗣於乾隆十七年通行各省將幫船經行之大江黃河一切新舊船隻名目詳查造

冊送部遇有事故俱以冊造名目爲憑倘有假捏名目或藉稱前冊遺漏或託詞新長洲渚混行推卸者卽照規避處分例查叅

一大江黃河等處漂沒漕船新船不及成造下運漕糧例應灑帶運通若糧米過多未免負重難行該督撫將不便灑帶情形據實聲明准其

雇募裝運

乾隆十九年

一漕船如果在於大江黃河漂沒例應題豁者該督撫一面具題請豁一面責丁成造毋任遲

延致悞下運

乾隆二十一年

一撥船運米遭風無力完補於各幫餘米內買

抵通完

乾隆二十二年

一各幫船隻遭風沉失應行賠造之船本年新

漕暫准雇募一次俟次年賠造

乾隆二十四年

一漕船如遇民船失火延燒丁民各半分賠

乾隆

二十七年

一失風船隻如係自備民船原裝米石顆粒無

虧失防職名免其開報

乾隆二十七年

一各丁買補船隻遇有事故雖歷九運仍買補

足運

乾隆二十九年

一受兌漕船如被木牌碰壞其沉溺米石木商

照數賠補損壞船隻修艙齊全

乾隆三十年

一乾隆三十一年欽奉

上諭漕船遭風失火延及鄰艘究係防範不慎應令其

照數買補分兩年完倉至因別舟火起倉猝延燒並非疎於防護所致著免其賠補欽此

一乾隆三十二年欽奉

上諭漕船偶值冰凌迅下船身碰破人力難施非該丁等防護不慎所致所有沉失米石著免其賠補欽此

一九運漕船回空於黃河漂沒業經派減一載

者准其給料成造

乾隆三十四年

一乾隆三十五年欽奉

上諭漕船焚失糧石自應按數著賠若船糧猝遇雷火焚燬非人力所能預防所有應賠糧石漕船俱加恩寬免其總押領運員弁亦非救護不力一併免其查議欽此

一漕船遭風漂沒因新漕已屆賠造不及漕米
准其暫行灑帶通幫漂沒船隻令回次時賠造
一漂沒船糧沿途地方文武營汛各官確勘出
結詳報督撫確查題豁如運糧官丁謊報漂沒
及乘機侵盜照律治罪米石賠補沿途催償及
地方文武營汛各官不確勘的實遽出保結者
革職如不將情由申報降一級調用督撫不嚴
查確實遽行題豁詐冒事露將題豁督撫降二

級調用

乾隆三十
五年

一漕船入境如遇淺擱事故押運領運並地方官不卽查明申報均罰俸六個月

乾隆三十五年

一漕船內河失風押運官罰俸六個月能雇救船隻修艙抵通糧無虧折並買補全完均免議處船非十運不能雇救米有掛欠雖買補全完

仍照例議處

乾隆三十五年

一漕船內河失風捏報大江黃河領運地方各官各降一級調用若遭風水不順地方官與押領員弁公同申報守候日時倘不顧風色水勢

催償前進致有疎虞地方官罰俸一年押運官
罰俸六個月如有捏稱風水不順逗留脫幫總
漕並督撫查叅將不實力催償之地方官降二
級調用押運官降一級調用若汎水漲發失風
漕船地方官能協同厚救修驗抵通糧無虧折
免其議處不能協同厚救以致漂沒仍照例議
處如雇募民船遇有風火事故聽其換船裝運
米無虧折失防領運地方各官免其議處

乾隆三十

五年

一乾隆三十八年奉

上諭據嘉謨奏浙江處州衛前幫旗丁張政元漕船在海河口遭風沉溺船板米粒無存查係內河失風例應照數賠補著加恩准其先行買交米三百石其餘二百五十六石五斗緩俟下年搭運全完其失防之押運員弁及地方文武各官著該總漕查明交部察議欽此

一六七運漕船回空於洪澤湖漂沒者雖經派減一次係屬七八運仍令買補足運

乾隆三十九年

一漕船上年閘河漂沒下半年應行搭運米

石准其買餘抵補免其搭運

乾隆三十九年

一乾隆四十一年欽奉

恩旨宿州二幫漕船行至清河縣極險湖心陡遇暴風船經漂沒淹斃多人自屬人力難施沉溺米石加恩豁免欽此

一漕船在次失風該管衛守備不行詳報照承

辦錯悞例降一級留任

乾隆四十年

一白糧幫撥載米石被空船碰翻押運官失於

防範仍照例議處領運于總照防範不嚴例降

一級畱任其行船碰住船之領押職名查叅送

部

乾隆四
十一年

一漕船住泊失火被焚並延燒尾接之船其應

賠船隻准其暫行雇募一次至應雇船隻與賠

造新船責令弁丁各半分賠其銀兩令衛守備

催追勒限賠造

乾隆四
十二年

一乾隆四十二年欽奉

恩旨湖北三幫漕船在內河失事例固應賠但念幫船

猝遇暴風漂溺人力難施情尚可原加恩令其各買本幫餘米三百石其餘米石同隨糧席竹緩俟下年搭運全完欽此

一回空漕船遭風覆溺押領員弁不行呈報降

一級調用

乾隆四十二年

一漕船除在大江黃河洪澤等處及閘河內失風查無情弊者仍照向例辦理外其在內河失風或祇一二隻及船米無虧者均照例議處若至三隻以上者運弁降一級調用押運廳罰俸

一年至五隻以上者運弁革職押運廳降一級
畱任旗丁杖一百枷號一個月如有控報失風
從重議處至盛夏之時倘在內河遇雨水驟發
衝壞數隻者由該督及巡漕御史查明實在情
形奏明分別辦理

乾隆四十二年

一乾隆四十二年欽奉

恩旨宿州二幫漕船在洪澤湖漂沒賞借銀兩原定分
作五年歸款丁力未免拮据著再於原定五年之限
加展三年以示體恤欽此

一乾隆四十三年欽奉

恩旨安慶等幫漕船陡遇暴風致遭沉溺淹斃人口照例撫恤沉溺米石查明確數據實具奏豁免欽此

一漕船冰凌擊沉湖心例應買補因值兌期緊迫將應運米石灑裝受兌仍一面賣丁買補民

船迎幫受載

乾隆四十四年

一撥船遭風沉溺廳弁不行詳報降一級畱任

乾隆四

十四年

一漕船被火燒燬被燒米石於各丁餘米內分

作兩年抵補

乾隆四十五年

一乾隆四十七年欽奉

恩旨贛州等衛幫漕船停泊黑夜猝遇暴風以致漂沒片板粒米全無淹斃人口照例賞恤漂失米石照數豁免欽此

一漂沒漕船詳請題豁因未接奉部覆未便排造將新運糧米暫灑通幫

乾隆四十七年

一白糧幫船遭風沉溺虧折白糧米石因例無

撥米抵補奏明責令旗丁在南購買勻限三年

運通交納虧折漕糧買餘抵補

乾隆四十七年

一漕船失風米石除本幫應交餘米准其買補外其餘不敷米石飭令於下年起運船內買米

搭運

乾隆四十七年

一乾隆四十八年欽奉

恩旨淮安頭幫漕船猝遇暴風以致沉溺漂失米石全行豁免淹斃人口照例恤賞欽此

一漂沒船糧業經豁免其隨船席竹一體准其豁免撈獲濕米以食米易換如有不敷准其臨

倉買餘抵補

乾隆四十八年

一滿號雇募船隻及起撥民船在內河失風沉溺如所載糧米有虧卽應計隻扣算若船米無虧及回空船隻本無糧米無弊可作者均毋庸計算隻數至閘河失風果在險要處所免其計

算

乾隆四十八年

一乾隆四十九年欽奉

恩旨鎮江後幫漕船猝遇暴風登時沉溺漂失米石加
源竟免淹弊人口照例賞恤又欽奉

恩旨安福等幫漕船夜值雷雨風火迸烈燒燬船米等項概免賠補燒斃人口照例賞恤督運員弁尙非有心貽悞免其議處欽此

一重運漕船在黃河中心漂沒辦理遲延違限

一年以上之地方官降一級畱任

乾隆四十九年

一漕船陡遇暴風雷火併擊燒燬米石准其於

下年買米搭運

乾隆四十九年

一漕船渡黃起撥勞費甚多乾隆五十年欽奉

恩旨將渡黃費用較多者賞銀三兩渡黃以至宿遷等

處節節起撥勞費較重者賞銀六兩其截留北倉各
幫船應交個兒錢文並撥價飯米等項均係自行繳
出每船亦賞給銀三兩欽此

一

盛京運通黑豆在洋遭風漂沒無存取具各結題
請豁免先發過一半水脚銀兩係事前支給之

項照數追出歸款

乾隆五十年

一乾隆五十年欽奉

恩旨大司等衛幫漕船在內河遭風沉溺漂失米石例

應賠補但念猝遇暴風人力難施尙非該丁等疎失所致虧折米石全行寬免淹斃人口照例賞恤欽此

一乾隆五十一年江西重運漕船遭風淺擱礙變米石全數買補力有難支據漕運總督毓奇奏准將原被竊損丁船五十四隻每船各賞銀八兩以示優恤並將江西十三幫一體量加借給銀二十兩所借銀兩於新運錢糧內分作二年扣繳歸款

一乾隆五十一年浙江金衢所幫旗丁胡公安

湖南頭幫旗丁熊之都一船因迎漚上閘登時
傾覆欽奉

恩旨將應賠船隻准其給料成造沖淌米石免其賠補
其淹斃人口於例賞外加一倍賞恤欽此

一白糧幫起運白糧遭風沉溺撈獲虧折米石
無餘米易換賠補准其於下年起運白糧內照

數搭解

乾隆五
十一年

一減歇船隻於上年沉溺之後不卽及時賠造
藉稱江水漸漲勢難拆板遽請雇募將辦理錯

候職名送部議處

乾隆五十二年

一失風船隻例應買補足運維時辦理轉運軍糧無船覓買將該船應運糧米分灑通幫帶運

俟下年再行買補

乾隆五十二年

一失風船隻例應雇募因值輓運軍糧難於雇募照緩漕無船雇募糧米分灑通幫之例辦理

乾隆五

十三年

一賠造船隻不及雇募率請將糧米灑帶通幫

帶運者應將衛備擅請灑帶職名送部議處

乾隆

五十

三年

一客船內失火延燒空重漕船及官撥船隻燒燬船隻米石抑令照數賠交失火之雇工嚴拏

治罪

乾隆五十二年

一幫船被直隸青縣辦運工料葦船碰沉撈獲濕米並沖去無著米石著落該縣賠交糧道未能防範將沉溺漕船著落該道賠修仍交部議處該管鎮道等官一併交部議處船戶人等均照不應重律杖八十分別枷號示衆

乾隆五十四年

一乾隆五十四年江西袁州幫旗丁李周等船行至黃河大溜遭風散裂欽奉

恩旨將漂淌糧米席竹概行豁免淹斃副丁等照例分別賞恤漂散船隻給料成造欽此

一漂沒漕船賠造不及暫准雇募民船兌運

乾隆

五十四年

一幫船被民船失火延燒經倉場議令丁民各半分賠嗣據總漕按照原船出廠年分咨請買補其時幫船已經起運部議覆准仍令下年賠

造起運

乾隆五十四年

一失風沉失虧折米石於通幫餘米內全行扣抵外不敷米石准其於下年應交餘米內買抵

完公

乾隆五十五年

一回空失風船隻文內不將險要處所聲明其隨幫武舉照遺漏聲敘例罰俸六個月

乾隆五十五年

一失風漕船該幫千總匿不具報迨船已派減看減千總始行詳衛率請改造應將該幫千總照隱匿不報例降二級畱任係私罪毋庸查級

議抵衛備罰俸一年地方守備照漕船失風例

罰俸一年

乾隆五十五年

一幫船因雇募窄小將帶運麥豆另雇擬船裝運以致遭風沉溺衛備照失於查察例罰俸一

年

乾隆五十五年

一漕船已歷七八運該道衛旣已驗明腰直艚拖並不隨時詳報加修率將應運漕糧於各船灑帶之外仍令原船減載跟幫以致被冰撞沉糧道衛備照失於查察例罰俸一年

乾隆五十六年

一乾隆五十七年興武九幫旗丁楊九章等出
運船糧渡江遭風漂沒米石欽奉

恩旨俱著免其賠補其應修船隻並著官爲造辦淹斃
人口照例賞恤欽此

一乾隆五十七年兵部條奏漕船在閘河內河
失風及冰凌擦損沉溺領運之弁每隻罰俸一
年至一運內失防漕船先後接算在三隻以上
者運弁降一級調用五隻以上者革職既經併
案議處所有一運內逐案罰俸之案應予查銷

一乾隆五十七年江西九江前幫旗丁徐子信等出運漕船渡黃遭風漂淌其漂沒米石席竹

欽奉

恩旨全行豁免船隻給料成造淹斃人口照例優恤得生者著加賞賚欽此

一八運漕船無故腐朽擅將應運米石違例混帶通幫又將腐朽空船仍令跟幫行走以致是風沉溺將千總照違令律治罪罰俸九個月

罰俸九個月

乾隆五十七年

一乾隆五十八年江西九後等幫船六隻湖南
幫船二隻遭風漂沒欽奉

恩旨將漂沒米石席竹等項全行豁免船隻給料成造
淹斃水手人等照例優恤撈獲濕米將食米易換分
灑通幫交納欽此

一乾隆五十八年湖南江西回空軍船遭風漂
沒欽奉

恩旨將淹斃頭舵水手照例賞恤其淹斃一家六口者
加倍賞恤漂沒沉溺各船概免賠補官爲置造並通

諭各省催漕文武各員總當察看風色水勢情形量
爲催儼其回空船隻運弁軍丁未免意存怠玩致有
失風之事著通諭各省督撫嗣後漕船過境務須飭
令酌量催儼不可過於急迫致令涉險失事亦不得
因有此旨任其逗留其押送回空如有前項情弊卽
應嚴行叅辦欽此